



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**IN PRIMVM MV=||SCVLI ANTICOHAEVM || Replica brevis  
Iohannis Cochläi, pro Sacerdotij & || Sacrificij nouæ legis  
assertione.|| IN EPILOGO ADIECTA || est brevis responsio  
in Antibolen Bullingeri.|| ...**

**Cochlaeus, Johannes**

**Ingolstadt, 1545**

**VD16 C 4331**

III. De urbe Roma, à Hieronymo laudata.

**urn:nbn:de:bvb:12-bsb10167348-1**

De Discordia inter Luth. & Zuing.

stram ponitis. Tu igitur Muscule (non ego) astutam agis ipse uulpeculam, dum discordias uestras palliando dissimulas, & falsa excusatione tantum ad externas ceremonias referri iubes.

DE VRBE ROMA A S. HIERONYMO laudata. Caput. III.

Verba Hieronymi in laudem Romæ.

Pœnitentiæ Romæ sæpe acta.

NON nego Romam typice aliquando dictam esse Babylonem, quando sub Idolatris Imperatoribus ebria erat sanguine Martyrum Christi, & idolorum uarietate confusa, Sed longe aliud nomen habuit postea sub Imperatoribus Christianis, Romanisque Põtificibus, Id quod ipsius Hieronymi (quæ calumniose opponis Romæ) uerba clare testantur, quæ tu ipse recitas. Sed ad teloquar inquit, quæ scripta in fronte blasphemiam, Christi confessione delesti, urbs potes, Vrbs Orbis domina, urbs Apostoli uoce laudata, Sunt ne hæc criminantis uerba? Subtilis uis uideri Muscule, & non uides hæc laudis potius quæ uituperij esse uerba? At dices, in sequentibus eam uituperari. Audiamus ergo sequentia. Interpretare (inquit) uocabulum tuum, Roma aut fortitudinis nomen est apud Græcos, aut sublimitatis iuxta Hæbræos. Serua quod diceris, Virtus te excelsam faciat, non uoluptas humilem, An hæc uituperationis sunt uerba? totus profecto per impium in Romam odium cæcus es, si ita iudicas. Sed addis adhuc plura. Maledictionem (inquit) quæ tibi saluator in Apocalypsi comminatus est, potes effugere per pœnitentiam, habens exemplum Niniuitarum. Hæc certe Hieronymi uerba nihil contra Romam faciunt. At hic protinus subiungis ac petis, ut doceam uos, quando post Hieronymi tempora maledictionem hanc per pœnitentiã Roma



Roma effugerit. Sed si oculos uidentium haberes, mox uideres in Leonis I. & Gregorij I. sermonibus & epistolis, quæ sæpe egerit post Sancti Hieronymi obitum poenitentiam Roma. Quod quæso aliud est officium Poenitentiariorum tum ad S. Petrum in Vaticano, tum ad S. Johannem in Laterano, nisi audire poenitentes, & confessione peccatorum audita, eis opera poenitentiae salubriter iniungere? Dic tu mihi uicissim Muscule, quando post obitum Hieronymi Roma unquam sine Poenitentarijs fuerit, Exceptis XL. diebus, quando in bello Iustiniani Imperatoris contra Gothos, incensa ac penitus desolata extitit. Non vituperauit igitur Romam Hieronymus, quando ad poenitentiam eam adhortatus est, Quis enim tam sanctus est, ut poenitentia non egeat? Non fuit ergo Hieronymus contra Romam, quam dixit Orbis dominam & Apostoli uoce laudatam, Nec Roma contra Hieronymum.

Quare improbus mendaxque cauillus est & impudens calumnia, ubi ais. Roma uestra quem uiuum expulit, mortuum colit, Non enim expulit eum Roma, sed ipse sua sponte Romam dimisit, ut in terra sancta, ubi steterat pedes Domini, & poenitentiam ageret pro peccatis suis, & sacram scripturam clarius intelligeret, Neque colit eum Roma, tanquam idolum aut nouum Deum aliquem, sicut calumniamini uos Hagiomastiges & pietatis nostrae erga sanctos Dei osiores & rosiores impij, sed colimus eum ut haeredem Dei & cohæredem Rom. 8. Christi, sicut docet nos Apostolus ille, cuius uoce laudata est Roma, Romanorumque fides approbata, quam in uniuerso Mundo annunciari dicebat. Quis igitur es tu Muscule, arrofor maledice, atque etiam maledicte, ut reprobes Romam, quam laudauit Apostolus, sicut ex Hieronymo tu ipse testaris? Quare nullus uestrum respondet mihi de  
impia

Calumnia  
in Romam &  
in Hiero.

Musc. con-  
tra Paulum



De Vrbe Roma

impia in Hieronymum calumnia Lutheri circa Homou-  
fion: Quanti autem fecerit sanctus ille fidem Ro. Ecclesie,  
eamq; totius Oriētis Ecclesijs prætulerit, recitauit uobis sepe  
ex ipsius ad Damasum Papam Epistolis, Vos autem ad re-  
non respondētis, uanis calumniarum arrosionibus scurrili-  
ter occupati.

DE ALTARIBVS CHRIS-  
ti in Ecclesijs. Cap. V.

Plura Christi  
altaria Cō-  
stantinopo-  
li quàm Au-  
gustæ.

INDigne accipis, Muscule, q; dixi per tuas potissimum in-  
temperies insaniasq; plusq; Turcicas factum esse, ut hos  
die plura sint Christi altaria Constantinopoli quàm Augu-  
stæ. Dixi, fateor, sed dixi condolenter, Dolet enim mihi, tã-  
tum tibi complicibusq; tuis in pulcherrima ciuitate Augu-  
stensi licuisse ac permissum esse, ut uere dicere possimus, Cō-  
stantinopoli, ubi dominant Turcæ, plura esse altaria Christi  
quàm Augustæ, Non nego equidem Constantinopoli præ-  
dominari Machometicam impietate, Vere nihilominus as-  
firmo, plura illic esse altaria Christi quàm Augustæ, Quæ  
admodum Romæ, olim temporibus Domitiani, Traian-  
ni, Decij & Diocletiani prædominabāt utiq; impietas Ido-  
latriæ, Multa nihilosecius erant & Christi templa atq; altar-  
ia Romæ illis tēporib. in quib. Martyres & alij Christiani  
Christū colebāt. Inuenies (credo) Augustæ mercatores az-  
liquos, qui Constantinopoli fuerint, Ex ijs ergo interroga,  
quot nam habeant illic altaria Veneti, quot Genuenses, q̄t  
Rhagusiani, quot Græci, & eorum magnus Patriarcha, à  
quo etiam Græci, qui Venetijs habitant, sacerdotes petere et  
recipere solent, ad suorum altarium, quæ Venetijs habent,  
ministeria peragenda.

Hanc